

Копия.

**Святейшаго правительствующаго всероссийскаго Синода всем святыя
кафолическия церкви правоверным и возлюбленным о Христе сыном
объявление**

Всемилоостивый спаситель и господь наш, Иисус Христос, якоже сам первее нашего ради спасения изволил пострадати и своим терпением устроити нам стезю к спасительному страданию, по словеси верховнаго апостола Петра святаго: «Христос пострада по нас, нам оставль образ, да последуем стопам его» (I Петра, глава 2, ст. 21). Сице аки подвигоположник и праведный, всем мздовоздатель, добре подвизавшихся за имя свое, за церковь святую, за веру православную и догматы ея и своею кровию запечатлевших твердое благочестия исповедание венчает венцем мученичества, си есть славою вечною на небесех, по неложному своему обещанию у евангелиста, святаго Марка: «Иже погубит душу свою мене ради и Евангелия, той спасет ю» (глава 8, ст. 35). И паки у святаго евангелиста Матфия: «Блажени изгнани правды ради, яко тех есть царствие небесное. Блажени есте егда поносят Вам и ижденут и рекут всяк зол глагол на вы, лжуще мене ради, радуйтеся и веселится, яко мзда ваша многа на небесех» (глава 5, ст. 10—12). Сими, господа нашего, Иисуса Христа, обетованми утверждена и церковь божия.

Тех же святых страстотерпцев, аки угодивших богу и терпением своим получивших мзду блаженства нескончаемого, имена не токмо в число святых издревле введше, достойными похвалами от всех православных сплетаемыми повсягодно и до днесь почитает и святыя их мощи благовейными усты лобызает, но иконы их и изображения страданий их всенародному почитанию на седьмом вселенском соборе узаконила представляти. Ово в честь и благодарение всеильному богу, даровавшему им свыше крепость ко приятию охотному различных мучений, ран, напоследок (л. 1) и смерти за имя Христово, и в толиком их мужестве прославившему свою божественную силу. Ово в почитание огненных их любви ко богу, твердаго веры христовой исповедания, терпения и страдания. Ими же сообщившася пострадавшему за нас Христу-спасителю, по словеси апостола святаго Петра, глаголющаго: «Понеже приобретается Христовым страstem, радуйтеся, яко да и в явление славы его возрадуетесь веселящеся» (I послание, глава 4, ст. 13). И паки, по словеси Павла святаго, глаголющаго: «Понеже с ним, Христом,^а страждем, да и с ним прославимся» (К римляном, глава 8, ст. 17). Ово в подражание всем православным, взирающим на изображенныя приснопамятных страстотерпцов добродетели и веру их, мучительским оружием непобедимую, по глаголу Павла святаго: «Тем же и мы толико имуще облажащъ нас облак свидетелей, гордость всяку отложше и удоб обстоятельный грех терпением да течем на предлежащий нам подвиг взирающе на начальника веры и совершителя Иисуса» (К евреом, глава 12, ст. 1—2). Сицевых ради вин церковь Христова всех святых мучеников имена и иконы их с достойным благоговением, якоже из начала сице и до днесь почитает и лобызает.

Но, яко же ночь днєви, тма солнцу последует, «лживы апостоли, делатели лстивии, преобразуются в апостоли христовы, и сатана преобразуется в ангела светла» (II коринф., глава 11, ст. 14—15), и самому Христу господу уподобляется антихрист. Сице и лжемученицы, паче же злодее и казнени, уподобляются мученикам Христовым, безсовестно похищающе себе имя святаго. Суще проклятии с велиею и непроститель-

^а В рукописи слово Христом в скобках.